

INUIT ATAQATIGIIT

INATSISARTUNI



18. december 2013

Inatsisartut suleriaasianni § 37 naapertorlugu matumuuna Naalakkersuisunut imatut apeqquteqaateqarpunga:

- 1. Inatsisinut atuuttunut naapertuuppa, Namminersorlutik Oqartussat neqeroortitsinerminni PIUMASAAQAATIGI SARMASSUK neqeroortigineqartussap qallunaatut nassiunneqartarnissaa?**
- 2. Inatsisinut atuuttunut naapertuuppa, Namminersorlutik Oqartussanit PIUMASAAQAATIGINEQARTARMAT neqeroortitsinermut aalajangersimasumut tunngassuteqartumik apeqqutit tamarmik qallunaatut nassiunneqartarnissaat?**
- 3. Naalakkersuisut pisiniartarnermut politikkiannut naapertuuppa suliffeqarfiit neqeroorteqarsimasut suliamik ingerlatsineq pillugu naammagittaalluteqarnissaminnut periarfissaqartinneqannginnerat?**
- 4. Pisortat neqeroorteqartarnerannut tunngatillugu Naalakkersuisut namminneq piffisami matumani ingerlatseriaaseqarnertik naammaginartuusoraat?**

(Inatsisartunut ilaasortaq, Naaja H. Nathanielsen)

Tunngavilersuut

Pisortanit neqeroortitsisarneq aammalu pisortat pisiniartariaaseqarnerat pillugu sinaakkusersuisumik inatsiseqalernissamik siunnersuuteqarnera Naalakkersuisunit itigartitsissutigineqarpoq. Tamatumunnga peqqutaatinneqarpoq, Naalakkersuisut isumaqanngimmata inatsimmik taama ittumik malitsisisinnaassallutik.

Ilisimavara Naalakkersuisut ullumikkut neqeroorusiatik qallunaatuinnaq nassiuttaraat, taakkunani piumasqaataasarluni akissutit taamaallaat qallunaatut nassiunneqartassasut aammalu suliffeqarfinnut neqeroorteqarusuttunut naammagittaalliorsinnaaneq periarfissaqanngivissortoq.

Taamaattumik eqqumiigisassaangitsumik paaserusuppara suleriaatsit taamaannerat Naalakkersuisut namminneq naammaginartuutissinnaaneraat.

Siumoorlunga qinnutigeriissavara apeqqutit tamarmik ullut suliffiusut qulit iluini akissuteqarfigineqassasut.